

# Diever da stampats vegls e d'inventaris d'ina valur speziala

Biblioteca chantunala dal Grischun





Las incumbensas da la biblioteca chantunala cumpiglian il mantegniment e la protecziun da stampats vegls e d'inventaris d'ina valur speziala, cunzunt da las reticas.

Per quest intent valan las suandantas reglas:

## 1. Utilisaziun

- 1.1 Da stampats vegls e d'ovras d'ina valur speziala dastgan ins prender invista exclusivamain en la sala da lectura da l'archiv dal stadi e pia sut la surveglianza dal personal responsabel. Ils stampats vegls cumpiglian tut las ovas ch'èn vegnidas edidas avant l'onn 1800.
- 1.2 Da pliras ovas empustadas po vegnir duvrà a medem temp mo in titel. Mo en cas excepziunals po il bibliotecari cumpetent permetter da duvrar pliras ovas a medem temp.
- 1.3 La biblioteca sa resalva il dretg da refusar da duvrar documents ch'èn en privel da vegnir donnegiads pervia da lur nausch stadi da mantegniment.
- 1.4 Sche l'utilisader prenda invista da dossiers da scrittiras e da collecziuns da documents che consistan da singuls fegls libers, sto el mantegnair la successiun dals fegls dada.
- 1.5 Cur ch'i vegn restitui in document, controlla il personal da la biblioteca chantunala en preschientscha da l'utilisader, sche l'ovra è cumpletta ed intacta.
- 1.6 I n'è betg permess da metter ils documents emprestads sut ils fegls u ils carnets ch'ins dovra per scriver. Igl è scumandà da duvrar cullis u stilografs. Permess è mo il diever d'in rispli per eventualas remartgas sin fegls ch'ins ha purtà cun sai. Da tralaschar èsi strictamain da scriver insatge en las ovas emprestadas.
- 1.7 Sch'il stadi da mantegniment dals documents pretenda quai, ston els vegnir mess sin plimatschs da gumma spezials. Quests plimatschs impedeschan che las ovas vegnian avertas per pli che 90°/120°.
- 1.8 Per tegnair las ovas avertas sin la dretga pagina na dastgan betg vegnir duvrads fermagls u auters meds che pudessan chaschunar donns. I ston vegnir duvrads ils levs pais che vegnan mess a disposiziun da l'archiv dal stadi.
- 1.9 La biblioteca registrescha las datas davart il diever dals singuls documents.
- 1.10 I vegn giavischà ch'ils utilisaders, ils perscrutaders ed ils students che scrivan lavurs da diplom, dissertaziuns u publicaziuns davart stampats vegls u davart ovas d'ina valur speziala, regalain ina copia da lur lavur a la biblioteca.

## 2. Reproducziun

- 2.1 Stampats vegls ed ovas d'ina valur speziala na dastgan betg vegnir fotocopiads. Sch'il stadi da mantegniment permetta quai, pon vegnir fatgas fotografias digitalas (senza chametg) en cunvegnientscha cun il personal da la biblioteca.
- 2.2 Per motivs evidents da la conservaziun na poi betg vegnir permess da prender invista da tut las ovas originalas. Ellas vegnan alura remplazzadas cun microfilms, cun copias u cun facsimiles.



### 3. Responsabladad dals utilisaders

- 3.1 Ils utilisaders ston tractar cun fitg grond quità ils documents ch'als èn vegnids confidads per prender invista.
- 3.2 Tgi che donnegescha las ovras confidadas, sto far quint cun in proceder giudizial da vart da la biblioteca chantunala.